

卷八十七之八十八

禮部

祠祭司

廟祀二

祫祭

禘祫

升祫


廟祀三

薦謚號

大明會典  
重修

大明會典卷之八十七

禮部四十五



國初以歲除日祭

太廟與四時之祭合為五享。其陳設樂章並與時享同。

累朝因之。弘治初既祧

懿祖。始以其日奉祧

主至

太廟行禘祭禮。先期遣官祭告

太廟又遣官祭告

懿祖于祧廟。告俱用祝文酒果。告畢太常寺設

懿祖神座于正殿西向。至日祭如儀。嘉靖十年祧

德祖罷歲除祭。而以季冬中旬行

大禘禮。太常寺設

德祖神座于

太廟正中南向。

懿祖而下。以次東西向。十五年奉

懿祖

熙祖

仁祖

太祖神座皆向南。

成祖而下東西向。陳設樂章祝文皆更定。而先期遣

官祭告如前。二十四年罷季冬中旬大禘。并罷

祭告。每遇歲除禘祭。位次如十五年之制。祝則

自

德祖而下備列

帝后謚號而祝文及陳設樂章並如舊。二十八年復

祭告儀。今備著焉。

國初歲除祭

太廟祝文

維洪武 年 月 日

孝玄孫皇帝御名敢昭告于

高曾祖考四廟太皇太后。時當歲暮明日新正。謹

率羣臣以牲醴庶品恭詣

太廟用申追慕之情尚

享

弘治初禋祭祝文

太廟祭告

維 年 月 日

孝玄孫嗣皇帝御名謹遣某官敢昭告于

八廟太皇太后

皇考憲宗純皇帝。茲者歲暮特修禋祭之禮恭迎

懿祖皇帝同臨享祀伏惟

鑒知謹告

懿祖祭告

茲者歲暮恭于

太廟舉行禋祭之禮祇請

聖靈詣

廟享祀特申預告伏惟

鑒知謹告

太廟祫祭

時當歲暮明日新正。謹率羣臣以牲醴庶品恭請

太廟特修祫祭之禮。用申追慕之情。尚享

嘉靖十五年定大祫儀後罷

前期一日太常寺陳設如圖儀

正祭日。

一至

戟門東帷幕具祭服出。自戟門左門入。率捧主官

至

兆廟及

寢殿出

主。捧主官請

各廟主至

太廟門外候

五祖主至闕殿門入。

上安

德祖主。捧主官各安

懿祖以下主訖典儀唱樂舞生就位執事官各司其  
事。

上至御拜位如常儀。

懿祖而下。上香獻帛獻爵俱捧圭官代

一祝文

維嘉靖 年 月 日

孝玄孫嗣皇帝御名敢昭告于

德祖玄皇帝

玄皇后

懿祖恒皇帝

恒皇后

熙祖裕皇帝

裕皇后

仁祖淳皇帝

淳皇后

太祖高皇帝

孝慈高皇后

成祖文皇帝

仁孝文皇后

仁宗昭皇帝

誠孝昭皇后。

皇高祖考宣宗章皇帝。

皇高祖妣孝恭章皇后。

皇曾祖考英宗睿皇帝。

皇曾祖妣孝莊睿皇后。

皇祖考憲宗純皇帝。

皇祖妣孝貞純皇后。

皇伯考孝宗敬皇帝。

皇伯妣孝康敬皇后。

皇考睿宗獻皇帝。

皇妣慈孝獻皇后。

皇兄武宗毅皇帝。

孝靜毅皇后。曰氣序云邁歲事將終謹率羣臣以牲

帛醴齊粢盛庶品特修

大禘禮于

太廟用申追感之情伏惟尚

享

一樂章  
迎神 太和之曲

仰慶源兮大發祥。惟世德兮深長。時維歲殘大

裕洪張。

祖宗聖神明明皇皇。遙瞻兮頌首。世德兮何以忘。

初獻壽和之曲

神之格兮慰我思。慰我思兮捧玉卮。捧來前兮慄慄

仰。歆納兮是幸已而。

亞獻豫和之曲

再奉瑤漿樂舞羣張。小孫在位。陪助賢良百工

羅從。大禮肅將惟我

祖宗顯錫恩光

終獻寧和之曲

思

祖考深景

德兮馨香。報歲事之既成兮。典則先王。惟功德之

莫報兮。何以量

徹饗雍和之曲

三酌既終。一誠感通仰

聖靈兮居於。萬禩是舉兮庶乎酬報之衷


還宮安和之曲

顯兮幽兮

神運無跡。


神運無跡兮化無方。  
 靈返天兮主返室。願  
 神功聖德兮啓佑無終。玄孫拜送兮以謝以祈。

太廟祫祭圖



各廟

禘祭陳設圖



太祖

太祖位  
東面  
西面  
南面  
北面

樂舞生位

功位

司馬

歲暮祭五祀

御

祀

會典卷八十七





簋



稻

非菹

菁菹

芹菹

魚醢

梁

醢醢

鹿脯

兔醢

脾析

牛



俎

豕

豕



豆

會典卷八十七

十

拾參陳設圖

功臣侍享同

邊



簋

彤醢



黍稷

醢



羊



高鉞

早

鼎



會典卷八十七

奉祀

成化二十三年奉祀

懿祖先期遣官祭告

太廟

上親告

憲宗凡筵內侍官設酒饌如常儀告畢太常寺官同

內執事官于

太廟寢殿奉遷

懿祖神主衣冠安于

德祖室內之左原奉享牀幔儀物及正殿神座俱暫

貯於神庫。弘治元年建

祧廟于寢殿後。其制九間。間各為室。翼以兩廡。乃奉

安。

神主衣冠于廟正中南向。十八年奉祧。

熙祖居左第一室。正德十六年奉祧。

仁祖居右第一室。祭告儀並同。嘉靖十年奉祧。

德祖而奉。

太祖高皇帝為不遷之祖。

上親告于

德祖及

祧廟三室。遂視捧。

德祖主安于廟中。遷。

懿祖居左第一室。

熙祖居右第一室。

仁祖居左第二室。皆南向。乃詣。

太廟寢捧。

太祖主出。

太廟殿中行祭告禮。二十九年升祔。

孝烈皇后奉祧。

仁宗居右第二室。先期遣官祭告。

太廟

祧廟至期行奉祧禮于

太廟如時享儀祭畢奉

主安于

祧廟室仍行祭告禮。

太廟原設神座收貯神庫俟祫祭日陳設

隆慶六年奉祧

宣宗皇帝神主儀

前期太常寺奉致齋三日遣官祭告

宗廟至日行祭告禮用祝文

每廟各一犢是日

上以祧

廟告

穆宗皇帝几筵內侍官陳設酒饌如常儀

上具素服內導引官導引

上詣拜位贊四拜禮奠帛獻酒讀祝四拜焚幣帛祝

文禮畢是日祭畢太常寺官同內執事官奉遷

宣宗皇帝神主衣冠并奉享牀幔儀物于後殿

英宗以下

各廟神主衣冠牀幔儀物以次遞遷其

奉光殿

宣宗皇帝神位亦奉遷于

德祖暖閣內左衣冠牀幔儀物隨宜收貯焚化。  
英宗以下神位以次遞遷

**升祔**

永樂二十二年

太宗文皇帝祔廟儀

率哭之明日太常寺陳設醴饌于

太廟如常享儀樂設而不作設儀衛繖扇于

午門外內侍官設

皇帝拜位于

几筵殿上進

御輦于殿前丹陛上內導引官導

皇帝衰服詣拜位贊四拜舉衰興衰止立於拜位之

東西向內侍詣

靈座前跪奏請

太宗文皇帝神主降座陞輦詣

太廟祔享奏訖內侍捧

神主安奉于

御輦繖扇侍衛如儀至

思善門外。

皇帝易祭服陞輅後隨至

太廟南門之外降輅導引官導

皇帝詣

御輦前贊跪。

皇帝跪太常卿跪于左奏請

太宗文皇帝神主降輦詣

太廟祔享奏訖贊俯伏興

皇帝俯伏興導引官導

皇帝捧

神主由左門入典儀唱樂舞生就位執事官各司其

事至丹陛典儀唱

太宗文皇帝謁

廟內贊奏請詣

神位前每至

一廟前內侍捧

神主至褥位朝北

皇帝於

神主後行八拜禮。

各廟俱八拜禮畢太常卿立壇東西向唱賜座。

皇帝搢圭內侍捧

神主進于

皇帝

皇帝捧

神主安于座道引官道

皇帝詣拜位行祭禮如時享儀文官五品以上武官

四品以上隨班行禮禮畢仍奉

神主還几筵儀具大至大祥前一日遣官祭告

太廟至日

上祭告

九筵殿奉安

神主神座儀物于

太廟

成化二十三年

憲宗純皇帝祔廟儀

卒哭之明日奉

神主祔

太廟前期三日齋戒前一日遣官以祔享祭告

太廟至日太常寺官設牲體于

太廟如時享之儀樂設而不作設

憲宗純皇帝御座于

宣廟御座之次錦衣衛設儀衛于

午門外。是日早內執事官設酒饌于

几筵設

憲宗純皇帝衣冠于几筵前進

神王輦于殿前。設衣冠輿于丹陛上。設

上拜位于

几筵殿上正中設

親王拜位于殿前

丹陛上。

上常服御皇極殿。太常寺官奏請

聖駕視牲。百官具吉服朝參。鳴鞭訖。先趨出

午門外東西序立候送。

上由大明門正陽門西天門舊路。至犧牲所南門。迤

西。

上降輦。禮部尚書侍郎太常卿少卿導

上至所內幄次。禮部官跪奏請視牲。仍同太常寺官

導

上至各牲房前。太常卿跪奏視大祀牲。逐一視畢。仍

導

上至幄次內。

上少憩。出禮部太常寺官仍導。

上陞輦。駕還。百官俱於

承天門外序立候迎。

上仍詣

太廟參謁前四日。

上御皇極殿。太常寺奏祭祀前三日質明。

上常服。乘輿詣

太廟門西降輿。至幄次內具祭服。告請

太祖配

神主由左門入。內侍官捧衣冠隨入。贊禮贊樂舞生

就位。執事官各司其事。贊迎神

神主至丹陛上。贊禮贊

憲宗純皇帝謁

廟內侍官捧衣冠立

憲宗純皇帝御座之下。引贊贊詣

神位前至

一廟

上捧

神主置褥位立

神主後出圭行四拜禮。以次詣  
八廟禮俱同。謁

廟畢

上摺圭捧

神主北向立。太常寺官唱賜座。內侍官捧衣冠安于

座內

上捧

神主安于衣冠前。出圭立于傍道。導引官導

上詣拜位。行祭禮如時享之儀。文官五品以上武官

四品以上各祭服隨班。行禮禮畢奉

神主還几筵。至大祥後二日奉

神主安于

太廟前期三日。齋戒前一日遣官詣

太廟行祭告禮。用祝文。至日侵晨設酒果于

几筵。設

神主輦一。冊寶亭二。于殿前丹陛上

上服淺淡服。行祭告禮。畢司禮監官詣

几筵。殿前跪奏請

神主陞輦。詣

太廟奉安。奏訖。內侍捧

神主冊寶俱由殿中門出安奉于輦及冊寶亭內侍  
擎執繖扇侍衛如儀。

上隨行至右順門。

上易祭服陞輅後隨至。

午門外儀衛繖扇導至。

廟街門內分列于。

太廟南門外之左右。

上降輅司禮監官導。

上詣。

神主輦前贊跪。

上跪司禮監官跪于。

上左奏請。

神主奉安。

太廟奏訖贊俯伏興。

上俯伏興導引官前導內侍捧。

神主冊寶前行。

上隨後由中門入至。

寢殿奉安訖。

上叩頭興導引官導。

上由殿東門出至丹陛上祭祀如時祭儀用祝文。

武官具祭服隨班行禮

嘉靖十七年

睿宗獻皇帝祔廟儀

先期一日太常寺設牲醴于

太廟如時禘禮祭日司設監官設

睿宗獻皇帝神座衣冠於

孝宗敬皇帝位之次至日恭上用寶貝于

睿廟畢遣官捧

睿宗主降座陞輿徐行

先入詣

太廟寢捧

太祖主遣官捧

各廟主各奉安于

太廟。

睿宗主輿至丹陛下太常卿跪奏請降輿遣官捧

主至丹陛初登典儀唱樂舞生就位執事官各司其

事至丹陛上門外唱迎神樂作此樂歌唱

睿宗獻皇帝謁

廟。

上捧

主入。就拜褥上。內贊奏跪。太常卿跪奏。

孝玄孫嗣皇帝御名躬奉

皇考睿宗知天守道洪德淵仁寬穆純聖恭儉敦文

獻皇帝參拜。內贊奏興序五拜三叩頭禮畢。捧

主朝上立。太常卿進立于東北。西向。唱賜座安

主于座。訖。內贊奏四拜。傳贊陪祀官同典儀唱奠帛。行初獻

禮。樂作。導引官導

上至

太祖神主前。奏搢圭。奏獻帛。獻訖。奏獻爵。獻訖。奏出

圭。奏復位。

位。西向。宣德元年。奉祔

仁宗神主于寢殿西第三室。南向。正殿神座右第三

位。東向。十年。奉祔

宣宗神主于寢殿東第四室。南向。正殿神座右第四

位。西向。天順八年。奉祔

英宗神主于寢殿西第四室。南向。正殿神座右第四

位。東向。成化三十三年

憲宗將升祔。而九室已備。始奉祔

懿祖。熙祖而下。皆以次奉遷。迺奉祔

憲宗神主于寢殿西第四室南向。正殿神座右第四位。東向。弘治初始。即歲除日行祫祭禮。十八年奉祧。

熙祖。

仁祖而下皆以次奉遷。廼祔。

孝宗神主于寢殿西第四室南向。正殿神座右第四位。東向。正德十六年奉祧。

仁祖。

太祖而下皆以次奉遷。奉祔。

武宗神主于寢殿西第四室南向。正殿神座右第四

祝文

維嘉靖 年 月 日

孝玄孫嗣皇帝御名敢昭告于

太祖高皇帝。

孝慈高皇后。

成祖文皇帝。

仁孝文皇后。

仁宗昭皇帝。

誠孝昭皇后。

皇高祖考宣宗章皇帝。

皇高祖妣孝恭章皇后。

皇曾祖考英宗睿皇帝。

皇曾祖妣孝莊睿皇后。

皇祖考憲宗純皇帝。

皇祖妣孝貞純皇后。

皇伯考孝宗毅皇帝。

皇考睿宗獻皇帝。

皇兄武宗毅皇帝。

孝靜毅皇后曰。茲者恭上

皇考廟號尊謚禮成爰奉

神主謁

祖祔祭迎延

列聖同賜鑒歆謹此躬祭之誠以申合享之禮尚

享

樂章

迎神太和之曲

太室巍巍

九廟肇祀

皇聖居歆惟

昭考假只昭假維何欣天倫攸敘

宗祏有嚴開萬禩伊始

初獻壽和之曲

酌彼鬯鬯玉瓚是將敬哉捧盈有飶其香儼

皇祖在上

八聖在旁合享交欣

天容洋洋

亞獻豫和之曲

樂奏既和禮嚴再獻黃流載觴玉露斯湛烝畀

祖考式衍以宴

神其醉止用嘉我明薦

終獻寧和之曲

玉齊維醕萬舞盈庭尊

祖享祀畢奏禮行式序式和祀事孔明於赫

聖靈兮資我思成

徹饌雍和之曲

遵豆有踐兮敬徹不遑禮儀卒度兮既歿既匡

神之聽之兮昭格洋洋保我子孫兮惠錫無疆

送神安和之曲

雲輿肅肅兮

靈駕歸闕宮恤兮瞻依我其夙夜兮敬敢違願言顧

欽定四庫全書  
禮部志書卷之七  
嘉靖十八年  
歆芳俎豆光輝

嘉靖十八年

獻皇后祔廟儀

梓宮發引南祔至通州即以其日題

主次日奉

神主入慈寧宮儀具喪俟南祔葬畢祔

廟先期太常寺奏祭祀請

欽命大臣九員以祔享告于

太廟

厚廟八員候祭日捧

各廟神主

諭文武官及命婦照例陪祭先期一日太常寺官

設牲醴于

太廟司設監設

神座于

睿宗廟錦衣衛設儀衛于

午門外是日早內執事設酒饌于

慈寧宮設衣冠于几筵前進

神主輿于殿前設衣冠輿于丹陛上內導引官導

上詣拜位奏四拜興立于拜位之東西向內侍官詣

靈座前跪奏請

慈孝獻皇后神主降座陞輿詣

太廟祔享奏訖

上捧

神主由殿中門出奉安于輿內執事官捧衣冠置于

輿後隨內侍擎繖扇如儀

上至右順門具祭服陞輅後隨文武百官具朝服于

金水橋南跪迎

神主輿候

駕過退文官四品以上武官三品以上陪祀令攝

先由

東安門入各就拜位東西近兩廡稍北障以帷幕

駕至

太廟南門

各廟遣官捧

列聖帝后主以次奉安

上降輅詣輿前跪太常寺官奏請

慈孝獻皇后神主降輿

上摺圭捧

神主出輿由中門入內侍官捧衣冠隨入至

廟丹陛上典儀唱樂舞生就位執事官各司其事唱  
迎神樂作典儀奏

慈孝獻皇后謁

廟

上捧

神主入內侍官捧衣冠隨入內贊奏就位

上捧

神主就位安于拜褥上太常寺卿奏

孝玄孫嗣皇帝御名躬奉

皇妣慈孝獻皇后祔

廟祭拜內贊奏五拜三叩頭禮

上捧

主朝上立太常寺卿唱賜座

上捧

主安于

睿宗廟神座出圭復位導引官導

上至香案前上香如儀復位奏四拜傳贊陪祀官同典儀唱

奠帛行初獻禮

上至

太祖神位前獻帛獻爵訖復詣

高皇后神位前獻爵復位

各廟俱捧主官捧帛爵獻訖內替奏讀祝讀訖俯伏

興復位行亞獻禮女官奏

中宮獻

太廟爵皇妃八氏獻

八廟爵儀同初獻

上復行終獻如初獻禮畢飲福受胙以至徹饌送神

樂作樂止俱如儀禮畢

上捧

太祖主各捧主官捧

初獻壽和之曲

清酤載酌篚帛既陳肴核惟旅有饒其芬玉瓚

初舉翼翼欽欽以行我

祖考庶幾格歆

亞獻豫和之曲

苾彼黃流酌言至再以烝以享必敬必戒惟

九聖在天景福是介伊嘏

考妣俾式昌以大

終獻寧和之曲

爵獻既終鑼鼓有奕濟濟踴踴率我百辟於皇

聖神既歆既懌惠我無疆保子孫千億

徹饌雍和之曲

享禮既備豆徹敢遲終事有嚴敬而將之肇祀

孔明式永我孝思

送神安和之曲

瞻

雲駕兮翩翩

神洋洋兮在天

清廟兮肅肅奉蒸嘗兮於萬斯年

隆慶元年

孝潔肅皇后祔廟儀

先期內府該衙門恭製

太廟及

廟寢內

孝潔肅皇后合用神座儀物等項先一日遣官以升

祔

世宗肅皇帝告于

太廟即以

孝潔肅皇后祔享同告。是日執事官設酒饌于

奉先殿西夾室內侍官設

神主與衣冠與于

奉先殿左門外。至期遣官以祀享告于

西夾室行禮如常儀告畢內侍官跪奏請

孝潔肅皇后詣

太廟祔享。奏訖恭捧

神主及內侍官捧衣冠俱由左門出奉安于輿執事

者擎執繖扇如儀至

午門內候

世宗肅皇帝神主至。以次迎至

太廟南門外。太常寺官跪奏請

孝潔肅皇后神主降輿詣

太廟祔享內侍官恭捧隨

世宗肅皇帝神主由左門入。又內侍官捧衣冠隨入

立于

世宗肅皇帝衣冠之次

上捧

世宗肅皇帝神主置于褥位訖內侍官捧

孝潔肅皇后神主隨置于褥位之右內侍官退其謁

廟賜座等禮儀俱與

世宗肅皇帝同行祭畢

世宗肅皇帝神主還凡筵內侍官捧

孝潔肅皇后神主奉安于

廟寢其衣冠同

世宗肅皇帝衣冠奉安于

太廟俱第九室

**大禘** 今罷

嘉靖十年定

前期

上告

廟如常儀太常寺奏致齋三日備香帛牲醴如時享

儀錦衣衛設儀衛侍從太常寺卿奉請

皇初祖神牌

太祖神位于

太廟正殿安設是日早

上具翼善冠黃袍御奉天門太常卿跪奏請

聖駕詣

太廟

上至

太廟門外降轎導引官導

上入御幄具祭服出由殿左門入典儀唱樂舞生就

位執事官各司其事。內贊奏就位。典儀唱迎神。  
樂作。內贊奏四拜。傳贊百奏上香道。

上至

皇初祖

太祖前俱三上香。訖奏復位。止典儀唱奠帛。行初

獻禮。樂作。內贊導。

上至

皇初祖前奠帛。獻爵。復導。至

太祖前。儀典儀唱讀祝。奏跪。使皆贊眾樂暫止。內贊贊

讀祝。讀訖。樂作。內贊奏俯伏。興平身。傳贊百樂

止。典儀唱行亞獻禮。樂作。樂止。復唱行終獻禮。

樂作。樂止。太常卿進立于

皇初祖前。西向。唱賜福。昨。

上飲福受胙。興奏四拜。傳贊百典儀唱徹饌。唱送神。

內贊奏四拜。傳贊百典儀唱捧祝。帛詣燎位。

唱望燎。俱如儀。大常卿捧

皇初祖神牌。詣燎所。內贊奏禮畢。樂止。

上由殿左門出。至

太廟門外。導引官導

上入御幄。易常服。還宮。

祝文

維嘉靖 年 月 日

孝玄孫嗣皇帝御名敢昭告于

皇初祖帝神曰仰惟

先祖肇我厥初發祥鍾靈啓我

列聖追慕

德源敬茲報祭願

來格斯奉

皇祖太祖高皇帝配侑尚

享

奉先殿行

孝慈高皇后忌辰祭禮畢

上服黃袍御奉天殿錦衣衛設鹵簿駕如常儀鳴鐘

鼓鳴鞭教坊司作樂文武百官具朝服先行四

拜禮致詞又四拜免雞唱山呼舞蹈等禮表文

綵段免宣讀陳設送內府交收○十七年

章聖皇太后服既除

上常服俱墨布至喪次仍素服百官俱青色冠服

郊有事吉服作樂

廟有事淺色服不作樂○十八年正旦以

章聖皇太后未南祔。

上具翼善冠黃袍御奉天門鳴鐘鼓奏堂下樂鳴鞭

百官具公服行禮八月

萬壽聖節以

南祔未久行禮如正旦儀九月小祥

上同

后妃謁

几筵致祭公侯駙馬伯文官三品以上大臣各具青

服陪拜。

遣勳戚大臣一員捧祀帛往祭大祥同○二十

禘祀方具張佳氣方鬱昂。

皇靈錫納方喜將。

誠通方萬載日祈鑒佑方天下

康仰源仁浩德方曷以量小孫頓首方以望

瞻丹丹方。

聖靈皇皇

大明會典卷之八十七

大明會典卷之八十八

禮部四十六

廟祀三

薦謚號

永樂元年上

太祖高皇帝

高皇后謚號儀

前期三日齋戒遣官祭告

天地

宗廟

社稷鴻臚寺設冊寶輿及香案于

奉天殿是日早內侍先以冊寶置于案。太常寺先設冊寶案于

太廟門外丹陛上。

皇考

皇妣神御前各設冊寶案。鴻臚寺設冊寶輿于

奉天門外御道上。錦衣衛設鹵簿教坊司設中和

韶樂大樂如常儀。文武百官具祭服詣

太廟門外立俟。執事并宣冊寶官先從

太廟右門以序立于殿右。

上具袞冕御華蓋殿。捧冊寶官四員各具祭服于

奉天殿東西序立。鴻臚寺奏請行禮。導駕官導

上出奉天殿。冊寶案前捧冊寶官各捧冊寶前行。導

駕官導

上行至奉天殿丹陛上。捧冊寶官各以冊寶置綵輿

內鹵簿大樂前導。

上乘輿隨綵輿後行至

午門外。降輿陞輅至

太廟門。文武百官皆跪俟。綵輿過輿。

上降輅隨綵輿至

太廟中門外。置綵輿於中道。捧冊寶官各於綵輿內

取冊寶前行。

隨行至丹陛上捧冊寶置於案典儀唱樂舞生就位。執事官各司其事。內贊奏就位。導引官導

上就拜位。典儀奏迎神。奏樂。樂止。內贊奏

上四拜。頤官。典儀奏進冊寶。捧冊寶官以次捧冊寶前行。導引官導

上行由左門入。至

廟中捧冊寶官序立于執事官及宣冊寶官之前。導引官導

上詣

上考妣神御前。奏跪。奏摺。圭。奏進冊。捧冊官以冊跪

進于

上左。

上受冊以冊授執事官。置于案左。奏出圭。贊宣冊。宣冊官跪宣于

上左。訖。奏摺。圭。奏進寶。捧寶官以寶跪進于

上左。

上受寶以寶授執事官。置于案右。奏出圭。贊宣寶。宣寶官跪宣于

上右。訖。

上復位。奏四拜。文武百官興行祭禮如常儀。次日頒詔。

嘉靖十七年上

成祖文皇帝

睿宗獻皇帝廟號儀

是歲

上肇舉

明堂大享禮奉

皇考配

帝乃告于

郊

廟

社稷。以九月十一日尊

太宗廟號為

成祖。謚曰啓天弘道高明肇運聖武神功純仁至孝

文皇帝。尊

皇考廟號為

睿宗。謚曰知天守道洪德淵仁寬穆純聖恭儉敬文

獻皇帝。同日異時行禮

先期四日太常寺奏致齋。太常卿同光祿卿奏

省牲如常儀。次日司設監設大次于南郊外壇神路之東。又次日。

上常服御奉天門。錦衣衛備隨朝駕。

上至

南郊即犬次易服詣

園丘奏告。文武官例該陪祀者具祭服於

南天門外陪拜。其原遣

北郊

大成

成祖廟。

上出至奉天殿內侍官捧各冊寶置于案。鴻臚寺官

舉案由殿中門出導駕官導

上隨行至丹陛下。鴻臚寺堂上官捧冊寶各置于與

內

上出奉天門降輜陞輅。侍衛鼓吹如儀導駕官退冊

寶輿至金水橋南文武百官皆跪候過輿隨至

廟街門退冊寶輿入

廟街門陪祀官皆跪候過輿

上至

太廟門降輅冊寶輿至

二廟門外太常寺堂上官四員捧冊寶由中門入。至神御前東西向立。冊東寶西陪祀官先赴

成祖廟丹墀內東西序立。太常寺導引官導上至

成祖廟左門由殿左門入寢殿左門請

主出正殿奉安。安訖典儀唱樂舞生就位。執事官各司其事。內贊奏就位。

上就位迎

主上香奏四拜俟

上冊寶案前內贊奏進冊寶。捧冊官以冊跪進于

上右。

上受冊獻訖仍授捧冊官置于案。捧寶官以寶跪進于

上左。

上受寶獻訖仍授捧寶官置于案。內贊奏宣冊。太常寺官取冊跪于

上右。宣訖置于案。內贊奏宣寶。太常寺官取寶跪于

上左。宣訖置于案。俯伏興復位。奠帛。行初獻禮。以後

俱如常儀禮畢。

上捧

主。太常寺官捧冊寶先行詣寢殿奉安訖。導引官導  
上出。

太廟門東乘板轎詣

睿宗廟。

上至廟門外降轎。至戟門外。太常寺導引官導

上由左門入。上冊寶如

成廟儀。畢。太常卿跪奏請

睿宗獻皇帝謁

祖祔享。遣官捧

神主降座。陞輿祔享于

太廟。儀具升祔下

祝文

維嘉靖 年歲次 月 朔日

孝玄孫嗣皇帝御名敢昭告于

成祖啓天弘道高明肇運聖武神功純仁至孝文皇  
帝。

仁孝慈懿誠明莊獻配天齊聖文皇后。曰適玄孫躬

率羣臣加上

聖號既畢宣奏之禮。用申燕賀之情。惟我

皇祖永歆孝念尚

享

樂章

迎神太和之曲

天眷不遲誕降我

皇祖夙秉文德聿昭

聖武攘除姦兇戢寧寰宇維典章未備繁孝孫是補

太號鴻名卓絕千古寶冊攸躋精裡斯舉將降休方

聖靈騰爐煙芳燎炬尚來格來歆以篤天之祐

舉冊寶熙和之曲

於穆

文祖貽我不基昊天罔極永言孝思爰薦

徽稱以協民彝勒賁琬琰昭哉厥辭以詔于萬世

神其聽之

初獻壽和之曲

制帛孔純滌牲脂肥黍稷醴羞蠲潔芬醑穆穆

孝孫敬德淵微獻享初陳仰

威顏其靡違

亞獻豫和之曲

千戚武成於昭神功文致太平汾穆皇風樂舞

既遷禮儀肅雍奠獻載將致其孚顙願申佑我

孝孫萬福攸同

終獻康和之曲

三爵既登禮秩斯成駿奔就列虎拜盈庭匪臣  
工之虔孝孫之德孔明錫

皇釐於普天奠邦家兮永寧

徹饌永和之曲

古禮之經有儀有節將享既終登歌以徹祀事  
利成神人胥悅維孝孫之衷情猶纏綿其糾結

送神安和之曲

高皇謨烈我

祖是成誕垂裕於後昆孝孫是徵稽古酌今恭薦茲  
尊稱奕奕闕宮歲事有恒子子孫孫百世其承之  
睿廟樂章

迎神太和之曲

於皇

烈考潛發慶源欽明宣哲敦德允元克昌厥祚以釐  
我子孫筮薦

徽稱惟大德是尊惟

烈考鑒茲臨享如存

舉冊寶熙和之曲

月吉兮辰良薦

鴻號兮受命溥將日星赫奕兮玉冊輝煌啓中興兮

七葉頌貞符兮萬方

初獻壽和之曲

載清酌兮犧尊瑟笙喤喤兮鐘鼓於論樂一奏  
兮爵一獻

靈來享兮鑒茲重熏

亞獻豫和之曲

瑤觴濯兮玄酒登懷明德兮薦椒馨

招考兮陟降在庭顧孝享兮

靈心載寧

終獻康和之曲

三獻畢陳八音舉百辟相予祀事誌愛敬極兮

揚名始冀

皇考兮綏孝子

徹饌永和之曲

笙鏞止豆籩徹禮莫愆孝靡竭

神具醉兮以莫不懌賚我思成兮純嘏是錫

降座安和之曲

神之來思天路脩

神之去思路寢幽幽既安既安芳靡淹留奠宗祊兮  
永錫洪庥。

改題

成祖

睿宗神主儀

先期司設監設香案于

成祖

睿宗二廟寢殿神龕前設題主案于東置淨水刷子  
粉盞筆墨于上又設盥盆悅巾于東是日早免  
朝鳴鐘文官三品以上武官公侯駙馬伯

皇親指揮各具吉服子

廟街門北向序立候

駕至陪拜。

上具翼善冠黃袍乘板輿至

太廟門右降輿導引官導入

成祖廟左門由殿左門入寢殿。

上就位上香一拜叩頭畢至

神牀前跪太常卿跪奏請

成祖文皇帝神主恭用奉題。

上詣

神主前捧

主安于東案上。

上復就拜位北向立。內侍官洗去舊字。別塗以粉。中

書官書寫題主官。盥手西向奉題訖。

上捧安于座跪。太常寺卿跪奏請

成祖文皇帝神靈上神主降殿奉享。

上捧

神主。導引官導出正殿。奉安于神座

上就拜位。典儀唱迎神。導引官導

上至香案前。三上香。訖奏復位。內贊奏四拜。傳贊典

儀唱奠帛行初獻禮

上至

神御前奠獻訖。誦讀祝位。讀祝官讀訖。奏俯伏。與平

身。傳贊奏復位典儀唱行亞獻禮。惟同初獻唱

行終獻禮。儀同獻太常寺卿詣

神御前跪奏禮畢。請

還宮。內贊奏四拜。興平身。傳贊典儀唱捧祝捧帛

各詣燎位。內贊奏禮畢。

上捧

主詣寢殿奉安。訖導引官道出

太廟門東乘板轎至

睿宗廟門降轎導引官導

上由廟左門入行禮如

成廟儀禮畢

上還宮

祝文

維嘉靖 年歲次 月 朔 日

孝玄孫嗣皇帝御名敢昭告于

成祖啓天弘道高明肇運聖武神功純仁至孝文皇帝

帝

仁孝慈懿誠明莊獻配天齊聖文皇后。曰爰用是辰

恭題

神主更書

御號奉慰安

神仰准我

祖萬禩永依玄孫無任膽事之至謹告

睿宗祝文同 改孝玄孫為孝子。我祖為我考

嘉靖十七年加上

太祖高皇帝

高皇后謚號儀

是歲

上既尊

皇天上帝。泰號遂以其日加上。

皇祖謚號曰太祖開天行道肇紀立極大聖至神仁文義武俊德成功高皇帝。

高皇后謚號曰孝慈貞化哲順仁徽成天育聖至德高皇后。恭上冊寶于

太廟先期

上親奏告于

皇天上帝。分

命大臣告于

北郊

太社稷

帝社稷翰林院撰祭告文。太常寺辨牲醴。如時祿儀命捧冊捧

列聖主大臣八員。司設監設冊寶案四于

奉天殿。冊東寶西。設冊寶綵輿四于丹陛上。設香

亭于冊寶輿前。教坊司設中和樂大樂錦衣衛

設鹵簿大駕并舉輿亭官校司設監及太常寺

官設冊寶案于

太廟神座前設

上拜位于殿內正中。至日

上捧

皇祖主。

中宮捧

高皇后主助行亞獻。文官四品以上。武官三品以上。

命婦隨班列東西。近兩廡稍北。障以帷幕。俱先

期由

東安門入

太廟候。

親王功臣設位兩廡。用酒果脯醢。不奠獻。是日。文

武百官先具朝服於金水橋南。東西向立。其陪

祀文武等官各具祭服於

廟街門北向立

上冕服御華蓋。殿鴻臚卿奏請行禮。導駕官導

上出至奉天殿內侍。管捧各用寶置于案。鴻臚寺官

導駕官導

上隨行至丹陛鴻臚寺官捧用寶各置于輿內。錦衣

衛官督舉輿。

上乘板輜出奉天門。降輜陞輅。侍衛鼓吹如儀。導駕

官退冊寶輿至一金水橋南文武百官皆跪候過  
興隨至

廟街門退冊寶輿入  
廟街門內陪祀官皆跪候過輿

上至

太廟門降輅冊寶由中門入至丹陛下太常寺堂上官二員

捧

皇祖冊寶內侍官二員捧

高皇后冊寶由中門入至

神御前東西向立太常寺導引官導

上由殿左門至寢殿

上捧

皇祖至

中宮捧

高皇后主出正殿陞座捧主官捧

列聖主去櫃東西向立典儀唱樂舞生就位執事官  
各司其事內贊奏就位典儀唱迎神樂作內贊

對引官道

上至香案前三上香訖復位四拜贊百典儀唱舉

冊寶樂作奏跪贊百樂暫止捧冊官以

皇祖冊跪進于

上右。

上受冊獻訖仍授捧冊官捧冊官以  
高皇后冊跪進于

上左。

上受冊獻訖仍授捧冊官捧寶官以  
皇祖寶跪進于

上右。

上受寶獻訖仍授捧寶官捧寶官以  
高皇后寶跪進于

昭羣廟。

穆羣廟。

睿宗廟。

社稷壇祭告官皆以是日具祭服行禮

先期一日内侍官設冊寶案四于

奉天殿冊東寶西設冊寶絲輿四于丹墀內設香

亭于冊寶輿前教坊司設中和韶樂及大樂錦

衣衛設鹵簿大駕并舉輿亭官校司設監及太

常寺官設冊寶案于

成祖廟。

睿宗廟各神座前設

上拜位于

二廟殿內正中設具服

御幄于

二廟戟門左是日早免朝鳴鈺文武百官具朝服于

金水橋南東西向序立文官五品以上武官四

品以上六科都給事中

皇親指揮以下千百戶等官各具祭服于

廟街門內北向序立。

上冕服御革蓋殿鴻臚寺官奏請行禮導駕官導

樂止俱如常禮畢

上捧

皇祖主

中宮捧

高皇后主太常并內侍官捧冊寶詣寢殿奉安捧主

官捧

列聖主各詣寢殿奉安訖

上還宮大樂鼓吹振作

祝文

維嘉靖 年歲次 月 朔 日

會典卷八十八  
十九  
孝玄孫嗣皇帝御名敢昭告于

皇祖太祖開天行道肇紀立極大聖至神仁文義武  
俊德成功高皇帝

孝慈貞化哲順仁徽成天育聖至德高皇后曰適尊  
聖謚宣獻既成奉

列聖帝后来賀玄孫躬率婦皇后方氏暨文武羣臣  
階其命婦敬申祭慶之情惟冀

聖神之鑒永享

尊稱大曆

洪號玄孫御名無任激切率籲之至尚

享

樂章

迎神恭和之曲

繫中夏之遘艱兮汗羶羣

皇天厭亂兮眷求大君降錫元命兮挺生

聖神惟我

太祖兮首出人倫一戎衣奄四海兮為帝王真

舉冊寶鴻和之曲

皇祖受命兮闢乾坤驅逐異物兮復中原陳常時夏

兮佑元元克配彼天兮功高業尊宙薦冊寶兮

鑒我曾孫

初獻崇和之曲

苾彼玉瓚兮酌黃流敬而將之兮冕凝旒有赫  
在上兮右享羊牛保我子孫兮永荷鴻庥

亞獻豫和之曲

於

皇祖兮帝中華廓清氛祲兮一統為家除兇雪恥兮  
功茂以加視湯武兮德音不瑕

終獻永和之曲

爵三獻兮肯酒熏樂和鳴兮萬舞肅陳率百辟

兮偕駿奔衍我

祖兮神忻忻

徹饌彰和之曲

孝享畢兮禮弗衍慕牲俎兮徹豆邁於昭對越

兮

神在天益篤皇祐兮萬斯年

還宮綏和之曲

薦

鴻號兮大禮成仰瞻威赫兮陟降在庭

列聖左右兮懽忻合弁鐘鼓響答兮祀事孔明粵有

天德兮必得其名。天地罔極兮欲報奚能庶幾。  
鑒享兮寸草微誠。永賴祉福兮用保我後人。  
改題

高廟神主儀

先期

命題主大臣二員翰林院撰文太常寺備脯醢酒果  
如常儀司設監設題主案于

太廟寢殿東西置淨水刷子粉盞筆硯設盥盆幌巾  
中設香案是日早免朝鳴鐘文官三品以上武  
官公侯駙馬伯

皇親指揮各具吉服于

廟街門北向序立候

駕至陪拜。

上具翼善冠黃袍乘板輿至

太廟門西降輿太常寺道引官導

上由殿左門入寢殿

上就位上香一拜叩頭畢至

神牀前跪太常卿跪奏謹請

皇祖太祖高皇帝

孝慈高皇后神主恭用奉題

上詣

皇祖神主前捧

主安于東案上。內侍官詣

高皇后神主前捧

主安于西案上。

上復就拜位。北向立。內侍官各洗去舊字。別塗以粉

中書官重寫題主。官東西向立奉題訖。

上捧

皇祖主安于座。內侍官捧

高皇后主安于座。

上跪。太常卿跪奏謹請

皇祖太祖開天行道肇紀立極大聖至神仁文義武

俊德成功高皇帝神靈上神主降殿奉享。又跪奏謹

請

孝慈貞化哲順仁徽成天育聖至德高皇后神靈上

神主降殿奉享。

上捧

皇祖主。內侍官捧

高皇后主。導引官導出正殿陞神座。

上就拜位。唱迎神。內贊對引官導

上至香案前三上香訖奏復位傳贊奏四拜傳贊奠帛行初獻禮傳贊導引官導

上至

皇祖神御前。

高皇后神御前各奏獻帛獻爵訖奏復位傳贊奏跪傳贊

贊讀祝讀訖奏俯伏興平身傳贊典儀唱行亞

獻終獻禮如儀太常卿詣

御位前跪奏禮畢請

還宮傳贊內贊奏四拜興平身傳贊典儀唱捧祝捧帛

各詣燎位傳贊內贊奏禮畢

上捧

皇祖主內侍官捧

高皇后主詣寢殿奉安訖導引官導

上出

太廟門西陞輿還宮

祝文

維嘉靖 年歲次 月 朔 日

孝玄孫嗣皇帝御名敢昭告于

太祖開天行道肇紀立極大聖至神仁文義武後德

成功高皇帝。

孝慈貞化哲順仁徽成天育聖至德高皇后曰玄孫  
恭于此月之初尊

皇祖聖謚禮成即擬拜書

神主玄孫幼而弗慎致疾浹旬茲卜吉期敢敬奉  
主更題既虔爰申祭告仰惟

聖慈攸歆尊事之誠永依萬世尚

享

隆慶元年加謚

孝懿皇后儀

一先期題請遣官持節捧冊寶詣

陵園行禮并改題

神主

一先一日鴻臚寺設節案內侍官設冊寶輿香  
亭俱于

皇極門東

一是日早遣官以加謚

孝懿皇后告

奉先殿

上具素翼善冠麻布袍腰經親告

世宗皇帝凡筵各用祝文祭品如常儀至期

上仍具前冠服御皇極門百官俱照常烏紗帽素服  
黑角帶入班行叩頭禮畢左右侍班序班引遣  
官入就拜位序班舉節案于

皇極門正中遣官行五拜三叩頭禮畢序班舉節  
案內侍官舉冊寶輿香亭俱由左階降鴻臚寺  
奏禮畢

上還宮錦衣衛官交接擡節冊寶輿香亭由

午門左門出鼓樂前道設而不作遣官隨行至

陵園行禮

一是日太常寺先于

陵園陳設祭品如常儀鴻臚寺設節冊寶案于

享殿內節冊左寶右設香案于節案前內侍官設

主案于殿東置淨水刷子粉盞筆硯盥盆帨巾  
等物候節冊寶輿至

陵園由中門入至

享殿前捧節冊寶官捧由殿中門入各陳設于案內

贊贊遣官就位贊上香贊宣冊宣冊官取冊立

宣訖復置于案贊宣寶宣寶官取寶立宣訖復

置于案執事官隨舉主案于香案前稍東西向

題主官進至主案前東立西向內侍官至

神牀跪奏謹請

孝懿皇后神主恭用奉題內侍官盥手捧

主安于案上洗磨舊字別塗以粉中書官重寫題主  
官盥手奉題訖內侍官奉

主安于神座跪奏謹請

孝懿皇后神靈上神主內贊贊遣官奠獻讀祝行禮  
如常儀禮畢內侍官啓匱覆

主奉安于神座訖冊寶收貯

享殿次日遣官持節復

命



